

LAMPIRAN PEMBERITAHUAN PRODUK

Pelanggan yang dihormati,

Lampiran Pemberitahuan Produk ini memberikan maklumat penting mengenai insurans Peralatan Semua Risiko anda.

Liberty General Insurance Berhad
197801007153 (44191-P)

Pelanggan lain telah membaca Lampiran Pemberitahuan Produk ini dan mendapati ia bermanfaat; **anda juga patut membacanya.**

Tarikh: 12/2025

1 Apakah Insurans Peralatan Semua Risiko?

Insurans Peralatan Semua Risiko menyediakan perlindungan untuk peralatan mudah alih anda yang tidak berlesen untuk digunakan di jalan awam. Peralatan mudah alih bermaksud kenderaan dan/atau peralatan yang digerakkan sendiri secara mekanikal seperti kren mudah alih, traktor, forklift, penggali dan sebagainya.

2 Ketahui Perlindungan Anda

Sebagai ilustrasi, dengan pembayaran **RM500.00** [setahun] dan Jumlah Diinsuranskan **RM50,000**, anda akan menerima **perlindungan** insurans berikut, jika peralatan anda digunakan di kawasan pelabuhan:

Polisi ini melindungi :	Polisi ini tidak melindungi :
Kehilangan atau kerosakan pada peralatan, aksesori, alat ganti dan bahagian-bahagiannya semasa ia digunakan akibat: - Perlanggaran atau terbalik secara tidak sengaja - Perlanggaran atau terbalik akibat kerosakan mekanikal atau akibat haus dan lusuh - Kebakaran, letupan luaran, penyalaan sendiri atau kilat - Pecah masuk atau kecurian	- Sebarang tindakan keganasan - Pengecualian penyakit berjangkit - Pengecualian harta siber dan data - Risiko tenaga radioaktif dan nuklear - Had dan pengecualian sekatan - Perang, perang saudara, pencerobohan, pemberontakan tentera atau rakyat, pemberontakan, revolusi - Di luar Had Wilayah yang dinyatakan dalam Jadual Polisi Semasa peralatan digunakan di Jalan seperti yang ditakrifkan dalam Akta Pengangkutan Jalan - Semasa peralatan dalam perjalanan (termasuk proses memuat dan memunggah) - Semasa peralatan dikendalikan oleh Pemandu/Operator yang Dibenarkan yang berada di bawah pengaruh minuman keras atau dadah - Kehilangan aksesori dan/atau alat ganti dan/atau bahagian kecuali keseluruhan Peralatan dicuri pada masa yang sama

Nota: Senarai ini **tidak lengkap**. Sila rujuk kontrak polisi untuk melihat keseluruhan maklumat polisi ini.

Tempoh perlindungan adalah 1 tahun. Anda perlu memperbaharui polisi anda setiap tahun.

Liberty General Insurance Berhad adalah ahli PIDM. Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari www.pidm.gov.my).

Liberty General Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Jika anda mempunyai sebarang pertanyaan atau memerlukan bantuan berkaitan perlindungan insurans anda, anda boleh:



Hubungi kami di
1 800 88 3833



Layari kami di
www.kurnia.com



Emel kami di
customer@kurnia.com



Imbas kod
QR di atas

3 Ketahui Kewajipan Anda

Untuk insurans ini berdasarkan ilustrasi, anda mesti membayar premium berikut:	
Perlindungan Asas	RM500.00 (setahun)
(+) Perlindungan Tambahan	Tidak Berkenaan
Premium Kasar	RM500.00 (setahun)
Anda juga perlu membayar yuran dan caj berikut:	
(+) 8% Cukai Perkhidmatan	RM40.00
(+) Duti Setem	RM10.00
Jumlah Premium Perlu Dibayar	RM550.00 (setahun)
Di mana ini termasuk:	
Komisen	25% daripada Premium Kasar atau RM125.00
Nota:	
- Ini adalah ilustrasi. Jumlah premium yang perlu anda bayar mungkin berbeza bergantung pada perlindungan polisi anda, tahap pendedahan risiko, serta kriteria pengunderaitan Liberty General Insurance Berhad. - Kadar Cukai Perkhidmatan adalah tertakluk kepada kadar semasa yang dikenakan oleh Kerajaan Malaysia. - Polisi ini tertakluk kepada premium minimum sebanyak RM100.00	

4 Terma-Terma Utama Lain

- Kewajipan pendedahan: Anda mesti mendedahkan semua fakta material yang diketahui atau patut diketahui, yang akan menjejaskan pertimbangan pengunderaitan kami terhadap cadangan anda, seperti insurans dan sejarah kerugian anda. Anda mesti mendedahkan semua fakta yang relevan dengan jujur dan lengkap dalam borang permohonan insurans anda. - Perubahan Risiko: Anda mesti memaklumkan kepada kami tentang sebarang perubahan material sepanjang tempoh polisi. Ini bagi memastikan pindaan yang diperlukan boleh dibuat dan didokumenkan dalam polisi insurans anda. - Kepentingan insurans: Anda mesti mempunyai kepentingan yang boleh diinsuranskan dalam harta benda yang diinsuranskan. Ini bermaksud anda akan mengalami kerugian kewangan jika harta benda tersebut hilang atau rosak. - Jumlah Diinsuranskan: Anda mesti memastikan harta benda anda diinsuranskan pada jumlah yang sesuai. Jumlah diinsuranskan hendaklah dipantau dan disemak secara berkala untuk memastikan ia mewakili nilai penuh harta benda anda bagi mengelakkan insurans tidak mencukupi. - Lebihan: Jumlah kerugian yang perlu anda tanggung sebelum kami menanggung kerugian anda. - Premium: Jumlah premium perlu dibayar dan diterima oleh Liberty General Insurance Berhad dalam tempoh 60 hari dari tarikh bermulanya polisi ini. Kegagalan membayar premium tersebut pada tempoh masa yang ditetapkan akan menyebabkan pembatalan kontrak serta-merta dan kami berhak ke atas jumlah pro-rata premium sepanjang tempoh anda di dalam risiko. - Tuntutan: Anda mesti memaklumkan kami segera tentang sebarang tuntutan dan mengambil langkah yang munasabah untuk meminimumkan kerugian atau kerosakan.	
Nota: Senarai ini tidak lengkap . Anda digalakkan untuk merujuk polisi untuk senarai penuh terma dan syarat.	

? Bolehkah saya batalkan polisi saya?

- Ya. Anda boleh membatalkan polisi anda pada bila-bila masa dengan notis bertulis kepada kami. Sewaktu pembatalan anda layak untuk mendapat sebahagian bayaran balik premium berdasarkan kadar tempoh pendek bagi tempoh polisi yang telah berkuat kuasa, tertakluk kepada premium minimum yang perlu dikekalkan oleh kami.
- Tiada bayaran balik premium jika premium minimum dibayar atau tuntutan telah dibuat ke atas polisi.
- Untuk maklumat sepenuhnya mengenai bayaran balik pembatalan, sila rujuk kepada kontrak polisi.
- Jadual Kadar Tempoh Pendek:

Tempoh Insurans	Peratus Pulangan Premium Tahunan
Tidak melebihi 15 hari	90%
Tidak melebihi 1 bulan	80%
Tidak melebihi 2 bulan	70%
Tidak melebihi 3 bulan	60%
Tidak melebihi 4 bulan	50%
Tidak melebihi 5 bulan	40%
Tidak melebihi 6 bulan	30%
Tidak melebihi 7 bulan	25%
Tidak melebihi 8 bulan	20%
Tidak melebihi 9 bulan	15%
Tidak melebihi 10 bulan	10%
Tidak melebihi 11 bulan	5%
Melebihi 11 bulan	Tiada pulangan premium